

貴州政報

no. 15

許昌公報

中華民國八年十月一日

# 貴州日報

## 本報

### 報價目

|     |     |     |     |
|-----|-----|-----|-----|
| 每冊  | 每月  | 半年  | 全年  |
| ... | ... | ... | ... |

## 本報

### 白告價目

|          |     |
|----------|-----|
| 特等(底頁之面) | ... |
| 優等(底頁之面) | ... |
| 普通(底頁之面) | ... |
| ...      | ... |

## 類目

### (一)特別通電

陳明藏約誤點請合力推翻電

### (二)政府命令

### (三)部咨

### (四)軍署公文

### (五)本署公文

視學報告鎮甯學務令

平越縣呈報到任查看地方情形指令

紫江縣呈報續修縣志指令

息烽縣疏脫解犯請懲戒指令

安順縣呈報培護桑茶指令

### (六)各機關文牘

稽查鹽斤偷漏通令

牛皮每駝准除鞍索重量通令

呈報調查戶口邊辦情形指令

取銷衙面雨棚及攤棚令

調查戶口變動令

嚴催各縣預育桑苗呈

管獄員自縊殞命請卹指令

呈覆獲匪李煥章等訊供情形指令

### (七)法規

司法警察服務規則

司法警察獎懲規則

司法警察承票簡章

### (八)圖表

### (九)批告

省長公署牌示一件

省長公署批二件

黔中道署批六件

省會警察廳批二件

蠶桑總局批一件

高等檢察廳牌示二件

高等檢察廳批三件

鎮遠地審廳批五件

### (十)判牘

調查玉屏縣民婦鄧胡氏謀殺尊親屬

一案報告書

### (十一)代佈

### (十二)附錄

威甯縣賑務全案彙編

# 特別通電

## 四川省議會代電

歷陳藏約誤點請合力主張推翻以鞏主權而保邊境由

貴州  
政  
報  
廣東軍政府各總裁參衆兩院外交部北京徐菊人先生龔仙舟先生外交部  
蒙藏院全蜀會館轉交同鄉上海孫總裁唐總代表并轉南北各代表蜀商公  
所轉各同鄉雲南唐總裁省議會各省督軍省長省議會教育會商會農會工  
會各報館成都熊督軍楊省長藍慰問使教育總會商務總會農會工會各報  
館簡州顧軍長瀘州趙軍長重慶黔軍朱參謀長夔州鄂軍黎總司令豫軍王  
總司令巫山王總司令川軍各師旅長各鎮守使各縣縣議會教育農商會均  
鑒頃接熊督軍巧日通電始悉北京外交部歌電述此次與英使在京會議關  
於邊藏界務所提條件失敗至鉅辱國喪權莫此爲甚夫邊藏爲中國領土卽

# 貴

# 州

# 政

# 報

爲國家主權所及邇來藏番雖乘隙跳梁竊城據邑無過比於盜匪原屬內政範圍何有外人置喙之地英使喋喋以此相聒究於公法何據此據公法言邊藏之事英使不能過問者也查光緒三十二年中英新訂印藏條約第二款英國國家允不佔併藏地及不干涉西藏一切政治西藏尙不能干與何況於邊西藏一切政治且不得干與安論乎界此據條約言邊藏之事英使更不能過問者也乃英使蔑法背約於民國元年無端提出四條橫干藏事我政府復不能據理力爭根本拒絕竟認爲中英懸案而一誤民國三年又允三方會議而再誤四年復派員與英使商榷而三誤至於此次歌電所提條件則不但不能拒却英使無理之要求且舉國家故有數千里之土地一旦而棄等河湟根本既乖遑問條件卽姑就其條件論之查川邊原係康地康藏界限極爲分明絲毫不能牽混康之舊趾清初卽遠在江達查四川通志雍正四年會勘疆界案內曾於該處設有外委一員礪巴二名清制江達以東爲康除類烏齊洛隆宗

貴

州

政

報

兩處係賞給達賴喇嘛私人由此逕委藏官礮巴外餘皆分設守備千把外委等漢官江達以西爲藏除江孜定日兩處雖亦設有守備千把外委但仍由四川派放外則皆藏官獨江達漢藏兩官並設實以該處爲康藏分界之地卽以見康境至此始止證據一清末又特改舊康境爲川邊亦以打箭鑪至江達爲界經四川總督趙爾巽與川滇邊務大臣趙爾豐及駐藏大臣聯豫會同劃定於江達立有碑記並有奏案可查證據二民國元年尹經略使昌衡改江達爲太昭府以碩督恩達察隅柯麥黎孫等五縣屬之經北京內務部呈准頒印在案證據三是邊藏界址在歷史上根據確鑿本已毫無可議且現制川邊係特別行政區域亦以打箭鑪至江達爲界設官分治置縣三十與熱察京綏並等行省版圖案牘在在可稽讓一步言之縱使與英使交涉亦應力爭江邊以不失原有界址爲歸該部不諳邊情昧於地勢其條件僅以爭回德格卽爲恢復川邊原有轄境而不知德格以西尙坐失土地二千餘里石渠昌都等十七縣

貴

州

政

報


川邊舊壤幾於全亡似此荒謬絕倫之外交實爲歷來所僅見茲摘其尤謬者  
著之歌電謂瞻對德格及崑崙南當拉嶺北之地歸內藏查崑崙以南當拉嶺  
以北實抱括青海轄境在內謬一西藏祇有前後之稱並無內外之別謬二岡  
拖在德格之西既以岡拖劃歸川邊何以反將德格劃歸西藏謬三德格卽德  
化丹巴卽章谷一地二名竟重列之謬四夫英人煽動藏番窺我邊境蓄謀已  
非一日此次乘我內亂促議劃界非僅力爭德格實欲跨金沙江而東以貫澈  
其揚子江勢力之目的又川邊境內向分南北中三路今劃南北兩路之要害  
屬藏而以中路之一小部屬漢使寥寥數縣孤懸於中三面皆爲藏番所抱舉  
一朝有警何可復守且南北兩路實逼川境之建昌懋功等處旦夕之間卽可  
竄入內地此議若成則英人之狡謀已遂近之固以亡邊而危川遠之實以控  
長江而馭全國外蒙之獨立也以俄人之煽惑青島之不歸也以日人之陰謀  
今者藏番蠢動同於外蒙川邊瀕危有如青島軫念前車可以殷鑒失此不圖

# 貴州政報

後將何及在川省與邊藏接壤唇亡齒寒自有切膚之痛效命疆場川人斷不敢辭然事關全國國防被髮缨冠當有同慨查約法變更領土締結條約均須經國會同意在今日國會未能自由行使職權以前無論何種條約概爲國民所不承認矧於領土之失若是其多且鉅務懇南北當軸邦人君子憫此苞桑之繫共謀抵禦之方爭界卽所以爭存救邊卽所以救國若更微羣策羣力之功主張公法援據條約舉民國三年五月草約各款而推翻之爭主權而界自保救西藏而邊自安是則所尤爲馨香禱祝者也急不擇音無任惶悚四川省議會叩感印 二十七日

# 貴州政報

第一三五號



貴

州

政

報

本署公文

貴州省長公署訓令

民國八年九月

令鎮甯縣知事黃克修據省視學吳鴻基呈送視察該縣學務報告由

案據第一區省視學呈報視察該縣學務情形一案到署據稱該縣自民國以來教育尙有可觀城內則以元二年爲最盛比年維持現狀無甚改革城鄉教育界中熱心辦學具有經驗者頗不乏人其濫竽充數者亦自不少黃知事到任於教育意在整理故本年曾舉行試驗檢定一次凡現任各校教職員均一律到署試驗以爲任用標準雖不無遺才爲一時權宜之計蓋亦未嘗不可惟因任用非人藉節省經費爲名而停辦學校至七所之多此則爲該縣教育之大缺點耳又據稱勸學所與教育會同設文昌宮內勸學所長兼教育會長及縣立高小學校教員魯士傑自本年任職以來對於教育之設施約有數端查

貴

州

政

報

該縣原有公私立學校共二十二所本年該所長主張歸併及停辦七所以上詢其理由一則曰學生太少辦法不良再則曰節省經費甯缺勿濫然學生太少固由學校不良學校不良自應改良辦法以圖進行何至因噎廢食若此卽以現有學校而論學生未必盡多辦法亦未必盡良城內女學學生僅二十人通常到校者僅十餘人形式精神均無可觀其例一也至節省經費之言尤屬荒謬本年學校無在不減少經費何獨於該員所辦之勸學所往年經費僅二百一十餘元本年增爲二百八十八元所長之教育會從前不支經費者本年定爲一百二十元所任課之縣立高小學校經費去年爲三百五十元者今年爲四百七十元且勸學所與教育會共設一地共用一書記一雜役而書記雜役薪工卽共列爲一百五十四元鄉間凡一區立國民學校僅規定開支公款五十元曾不及該所書記雜役薪工三分之一是又何以自解耶再本年教育經費預算據云係由該教育會議決而與該勸學所所報之教育經費收支表

貴

州

政

報

數目歧出高小學校所列經費表其數目與預算案又歧出此其弊混浮濫之情可概見矣至預算案內縣視學欄已列有旅費一項而勸學所欄亦列有旅費一項然鄉間學校呈請縣署派員視查者經縣署令該員往查竟至數月不到而按月應領旅費三元之數自若也奉到教育文件並不轉行各校周知每星期僅至高小上課坐領厚薪毫不事事是又安用勸學所爲以上各情特其犖犖大端顯而易見者其他挾私舞弊尙難罄書是此破壞教育罔利營私實屬學界之蠹使長此把持該縣教育前途何堪設想應請嚴令該縣知事立即將該員所任所長會長教員等職一律停職撤銷永不准干預學務呈請道署委任該縣辦學多年素有經驗之周封魯接辦並將其不適法之教育會解散另行組織本年停辦各校從速設法恢復該員所領浮濫各費應分別追繳停給以維學務而彰公理又據稱該縣教育經費通常在三千元以上他項行政亦難免時有挪移故歷年積有虧欠本年學校既多停辦而僅存者經費又復

貴

州

政

報

減少且穀價增高屠收甚旺自應大有贏餘據黃知事及魯士傑面言除教育機關及各校應領者外僅足還積欠之賬云查教育經費收支表收入仍止三千元支出爲二千四百三十八元餘五百餘元之譜然如上述勸學所長行爲其中已不免浮濫況縣視學及講演所半年均未委人而開支仍載入預算表中則本年贏餘當不止此至縣視學一職亟應遴員委任以專責成至該縣學風極爲澆薄以學校爲地方黨爭之地學生畢業後視教職員爲路人甚有朋比相攻者亟宜整飭以正學風又據稱往年本有講演所本年預算案亦列有講演所開支然停滯半年并未委人接辦至視學將到前一日始經縣署委葉在中等辦理尙未開始講演等語查該員所呈各節均屬切妥而勸學所長魯士傑一切舉動尤屬荒謬糊塗仰將現有一切職任完全撤銷永不准干預學務並應從嚴追繳所領一切浮濫各費所遺勸學所長一職卽呈請貴西道委任周封魯接辦其餘所兼縣立高小教員及該縣視學各職亟應分別遴員委

# 貴州政報

任以專責成尙有該員視察該縣各校表列亟應整理之處逐一摘抄令發仰併遵照辦理仍將遵辦情形詳細呈覆以憑派員覆查切切此令  
附摘抄第一區省視學吳鴻基報告

縣立高小校教職員輪流負管理責惟不住宿對於寄宿生殊欠注意學生形式亦尙整齊獨習勞事務太少校舍殊欠清潔且有朽敗該校填報本年經費歲入學費一百元由勸學所領取公款三百元共計僅四百元而勸學所所列該校預算又係除學費外應領三百七十元相差至七十元之多應卽扣發此數以杜浮濫

縣立國民學校國文算術教授詳細成績甚佳珠算教授未見純熟手工僅有紙工一種習字僅用填寫略於指授恐難進步一二年級棹橈不適學生身體亟應改良該校填報經費表除學費外由勸學所領款三百五十元然地方預算表及勸學所填報教育經費收支表均載明除學費外應領三百

貴

州

政

報

九十元應將該校未報之數四十元扣發以杜浮濫

縣立女子國民學校算術鈔本異常凌雜手工僅編物未加縫紉學生缺席者多應飭縣認真辦理

私立玉成學校高小整齊嚴肅國民稍差應講究訓練高小教室狹隘空氣窒塞不合衛生該校成立八年畢業多班至今猶力謀推廣足見發起人周封魯等之熱心毅力誠不能不令人嘉慰校長周封唐對於教育專心壹志教員雷起龍等亦能以教育爲業惟教室擁擠空氣閉塞既不合宜又礙推廣應飭另覓校地建築

南區區立第二國民學校該校去歲經費原係由公家補助八十元本年勸學所藉口節省經費反減二十元再本年高小成立曾呈請縣署轉呈立案經縣署批勸學所往查該所長竟數月不至應請飭該縣認真維持免妨學務

貴

州

政

報

私立德新國民學校算術甚差應將圖畫鐘點減少算術加多並加珠算認真教授教員不得隨意曠課學生於教室內欹斜參錯起居隨意猶不改私塾舊習應加整頓該校辦法缺點尙多亟應改良以饜人望該縣清出之十五石客田應認真清收以辦該地學務

貴州省長公署指令

民國八年九月

令平越縣知事據鄭其昌呈報到任後查看地方情形由

來呈閱悉所擬關於內務部分如整頓團防改組法警辦理訴訟考察監獄各情尙能實事求是應卽查照認真進行勿稍敷衍其中尤重要者該縣南區地面地當衝要且與鄰縣屬地犬牙相錯年來劫案發生多在南區及與南區接壤之鄰縣地面應將該區團防特別注重以免匪等有所託足又關於實業部分普及蠶桑推廣林業各辦法大致尙是應卽分別認真辦理期收實效至教育計畫除本城馬場坪羊老三校已由省視學報告另令嘉獎外其提倡改良

# 貴州政報

私塾一節於款項支絀學校不能普及之時爲不得已之設施頗具苦心惟私塾辦法一方可以補助學校教育之不及一方亦足以妨害學校之進行改良方法務須酌量地方情形使分年改進預計若干年後學科教法與學校相等方爲妥善並應將改良方法妥爲擬定呈報核辦庶可以隨時策進總之縣知事爲親民之官關係綦重果能如來呈所云言必實踐行期有成本省長有厚望焉此令

## 貴州省長公署指令

民國八年十月

令紫江縣知事李乃揚據呈報續修通志採訪處成立及遵辦情形由

呈及附件均悉核閱該縣採訪員數尙與志局定額相符既經函覆有案仰卽督飭各員紳按照條例悉心徵集趕繕成冊呈核以憑送局彙編至前清雍正年間所修之州志歷年既久體例又多舛誤值此文彫獻熄依據無由若非賢有司熱心倡導實行續修則擲撥空衍詎無曹鄣以下之疑湮沒衆多尤恐杞